



#22 - Limbo

Chel dí mi sveai a buinore, o vevi di fâ cetantis robis inte aziende. Al jere un cjavał gnûf che si scugnive inscuelâlu e o vevi di lâ in paîs par cirî des robis tant che il mangjâ pes gjalinis e pai purcits. Chel dí però o jeri strane, o vevi vût un sium fûr dal vade tant che un brut segn. Intal paîs o lei al negozi di Don Antoni e intant che o cirivi dutis lis robis lui al contave di cualchi scherç, e al mi fasè bocje di ridi, o fevelarin di chest e chel altri e daspó o lei al furgon par viodi di chel cjavał, che cun di plui al veve une stanglade rote e o vevi di rimediale.

Mi vevin simpri plasût i cjavai, par chel o vevi comprât un di competizion. Al jere un bielisim nemâl, al jere perfet par fâ i salts, di gare *hannoveriano* al jere il miôr cjavał e jo o jeri gnove in chest sport. A vevin di cognossinus e par chest o scomençai a fâ dai moviments e daspó o fasei piçui salts sui ostacui. Il professôr mi viodè, seri, o jeri contente e il cjavał al jere grandiôs.

Robe che no petàs, il cjavał al strabalçà e cence timp di reazion o sierai suntun ostacul e

dut al diventà scûr. O podevi scoltâ lis vôs lontanis ma o jeri vitime dal gno cuarp, i miei braçs a jerin pesants e ancje lis mê s gjambis; o jeri intun lûc strani che nol veve pavement, nol veve tet. O jeri intun lâ, la aghe mi lavave dut il cuarp ma no mi sintivi bagnade, o podevi scoltâ i dotôrs che a fevelavin di me. Ancje mê mari che vaive di cûr ma no podevi fâ nuie. O stevi flotant ma no podevi movimi, la aghe e jere calme e cidine. Cetancj ricuarts che o podevi viodi, tant che un film, al jere un sentiment biel ma ancje preocupant.

A plac a plac o scomençai a viodi une lûs masse slusinte, o sintivi une misiche plui legre e i miei braçs a scomençavin a movisi viers chê lûs, o sintivi vôs che mi someavin jessi dai miei vons, lor mi clamavin, alore di maniere brusche alc mi puartà lontan di chê lûs e o scomençai a sintî mê mari, No stâ a lassâmi! No stâ a lassâmi! I dotôrs a faserin dut ce che al jere tes lôr mans par sveâmi e ae fin o podei fâlu: mê mari e vaive di content, e jo no capivi nuie ma o jeri legre par jê.

di ***

#1***